

Satani **KRESTE** ulwanisana ni



Ka ñozwi ki bo Watson Goodman

Kimpo — ha ka lekiswi

Satani ulwanisana ni KRESTE

Satani ubulelwa mwa linzwi la Mulimu Kuli ki “mulena wa Lifasi Le,” hape ki sila sa Mulimu, hape ki si bupiwa sa Mulimu (ili mutu kasibili). Luna batu luinzi fa ndwa ye tuna. Ndwa ye inzi ni KRESTE ni Satani. Luna ni ku keta kwa batu ba ba beli ye kaba Mulena wa luna kuya kuile, KRESTE mubupi ili yena Emmanuele (Mulimu uinzi ni luna) kapa Satani sibupiwa-ili yena Mulena wa ba ba lwanisa lifu ni zuho ya Jesu ili le li tisize ku koma ko ku lukile ku bao ba ba lumela ku yena.

Satani u lika mwa linzila ze ñata-ñata ku puma ni kuisa batu mwa nzila ye maswe. Ku keta kwa hao kwa mafelelezo KRESTE mubupi ili ya lukelwa ku lapelwa. Lwa izibahaza ka yo lu lapela Satani ubata ku beya batu mwa butanga “Ka (1.) Tukuluho kuzwa ku Mulimu (2.) Kuteleza madimona (3.) Ku lapela “mutu wa sibi” (4.) Ku lapela “Sibupiwa” sa hae ni (5.) Liswayo fa mibili kuli mu kone ku leka kapa ku lekisa. Musabe lika ze!

***Mulimu na bupile Lucifer ni
ku mu beya fa situlo se si
tuna kwa Lihaliimu***

...Mulena Muñ a Bupilo s'a
bulela ki se, u li: "Ki wena wa kwa
pili, u na ni butali hahulu, u yo
munde ku feleleza. N'o inzi mwa
Edeni, mwa simu ya Mulimu; n'o
kaba macwe a butokwa a mishobo
kaufela, bo sardiusi, ni topazo, ni
daimani, ni berilo, ni onikisi, ni ja-
spe, ni safiro, ni emeralda, ni kara-
bunkele, ni gauda. Ku wena ne ku
sebelizwe milupanyana ni lipala;
ne li lukiselizwe zazi l'o pepwa."

***Na' inzi bukaufi ni Lubona
Lwa Mulimu***

"N'o li kerubimi ye tozizwe, ye

sileleza; ne ni ku beile fa lilundu le
li kenile la Mulimu; n'o zamaya-
zamaya mwa macwe a benya."

No Bupilwe ka ku Luka

"N'o lukile mwa mizamao ya
hao isali u pepwa, ku iasa fo bu ku
fumanela bumaswe."

Mulimu a' Zusa Sibi

"Kabakala bulekisi bwa hao
bwa ze ñata-ñata, wa ba wa tala
bumaswe, mi wa eza sibi; haku-
licwalo ni ku lunduzi fa lilundu la
Mulimu; kakuli u silafalizwe; mi
ni ku bulaile, wena kerubimi ye
sileleza, u zwe mwa macwe a'
benya." —Ezekiele 28.12-16

Buikuhumuso bu zamaya shandauko kwapili, Mi ku izinika ku isa kwa ku wa. –Liproverbia 16.18

“Pilu ya hao n’e ikuhumusize ka bunde bwa hao, n’o sinyize butali bwa hao kabakala ku benya kwa hao; ni ku wiselize fafasi, mi ni ku beile cwalo fapil’a malena, kuli ba ku bone.” –Ezekiele 28.17

Kupalelwa Kwa Mulwanisi

“Ka milatu ya hao ye miñatañata mwa bulekisi bwa hao bwa ku puma, u silafalize mabaka a kenile a hao; hakulicwalo ni zusize mulilo wa mo ku wena, u ku

cisize; mi ni ku ezize lisita la mulo-la mwa lifasi mwa meto a ba ba ku bona kaufela. Macaba kaufela a’ ku ziba a ka ku komoka; u fetuhile poniso ye sabisa, mi ha u sa na ku zuswa ni kamuta.”

–Ezekiele 28.18, 19

Si Bupiwa Kaufela Sina ni Ku ipeya Ku Mubupi

A mu sebeleze Muñ a Bupilo inze mu tabile; Mu itahise fapil’a hae ka lipina. Mu zibe kuli Muñ a Bupilo ki Yena Mulimu; Ki Yena ya lu bupile, mi lu ba hae; Ki luna sicaba sa hae, ni mutapi o liswa ki Yena.

–Lisamu 100.2, 3

***Tato ya hae Kulwanisa Tato
ya Mulimu***

“U wile cwañi kwa linalimu, wena naleli ya masa, mwan’a malungasiku? U lapalalizwe cwañi fafasi, wena ya n’a hatikela macaba? N’o li mwa pilu ya hao: Ni ka kambamela kwa lihalimu, ni beye lubona lwa ka fahalimw’a linaleli za Mulimu, ni ine fa lilundu la mukopano kwa mafelelezo a Mutulo; Ni ka pahama fahalimw’a malu, mane ni likane ni Muambakani - Ya - Pahami.”

Misebezi hai Sinyiwa fa Lifasi

“Nihakulicwalo u ka wisezwa mwa sibaka sa ba ba shwile, mwa

butungi bwa sikoti. Ba ba ku bona ba ka ku ukumela, ba ku talimiseze fakaufi, ba buze ba li: Kana ki yo munna ya n’a zikinyisa lifasi, ya n’a nyanganyisa ni mibuso? Yena ya fetuzi lifasi ku li eza lihalaupa, ya wisize minzi, ya n’a sa lukululi lihapwa ze mwa tolongo ya hae?”

Ki mutu ya maswe Ku Mulimu

“Haili malena kamukana ba macaba, ba lobezi ka likute, yo muñwi ni yo muñwi mwa libita la hae la bulena. Kono wena, u latezwi kwahule ni libita la hao, sina mutai o’ nyaziwa, mi sina kubo ya ba ba bulailwe ka lilumo, ba ba nepelwa mwa sikoti sa macwe”
—Isaya 14.12-19

Wa Makalelo ki Satani

(Tato ya Lucifer mwa Isaya 14.13, 14 fa pampili ya bulalu.)

A li ku bona: “Ne ni talima Satani inz’a wa kwa lihalimu sina mulilo wa pula.” —Luka 10.18

Mangeloi A’o Alatelela Satani

...Mulimu n’a si ka shemuba mangeloi a n’a fosize, kono a a wiseza mwa mukoti, a tamilwe ka mawenge a lififi; mi a bulukelwa kwateñi Katulo. —II Pitrosi 2.4

Satani Wa Kona Ku Puma Batu

Isike ya ba ya sa zw’o lumela; a ka swana a ikuhumusa, mi a wela mwa katulo ya Diabulosi.

—I Timotea 3.6

...Kakuli mutu h’a tuzwi ki se siñwi, u mwa butanga bwa sona.

—II Pitrosi 2.19

“Kakuli ku ka taha bo-Kreste ba buhata, ni bapolofita ba buhata, mi ba ka eza lisoni ze tuna ni limakazo; mane ku pumwe ni bona ba ba ketilwe, kambe ki nto ye konahala.” —Mateu 24.24

Lihalimu Liswanela Kuba ni tato iliñwi, Yona tato ya Muña Bupilo ye Lukile

Hape, mu si ke mwaya ka ku likanyisa lifasi le; kono mu fetuhe ka ku shemunwa mwa kutwisiso ya mina, kuli mu lemuhe se si latwa ki Mulimu kana ki sifi, se sinde, se si kateleha, se si petehile.

—Maroma 12.2

**“U si ke wa ba ni milimu ye
miñwi fapil’a ka.”**

—Deuteronoma 5.7

**Mu fe Muñ a Bupilo kanya, ili
ye swanela Libizo la hae; Mu te ni
nubu, mi mu itahise fapil’a hae;
Mu kubame fapil’a Muñ a Bupilo,
inze mu kabile ze kenile.**

—I Makolonika 16.29

**“...Mu mu kubamele, Ya ezize
lihalimu ni lifasi, ni liwate, ni ma-
weluwelu a mezi.”**

—Sinulo 14.7

**Cwale Jesu a li ku yena: “Zwa
Satani, kakuli ku ñozwi kuli: ‘Ku-
bamela Mulena Mulimu wa hao,**

mi u sebeleze Yena a nosi.’”

—Mateu 4.10

**A mu taheñi, lu kubame, lu in-
ame; Lu we ka mañwele fapil’a
Muñ a Bupilo, Mubupi wa luna.
(Bona Genese 1.27.)**

—Lisamu 95.6

**(Mi Mulimu a eza mutu ka sis-
waniso sa Mulimu. A ba eza munna
ni musali.)**

***Ba ba pumilwe ba lapela
mu Hanyezi***

**...Mi lifasi kamukana la komo-
ka sibatana. Mi ba lapela drakoni,
kabakala kuli i file sibatana mata
a yona; ba lapela ni sibatana**

—Sinulo 13.3, 4

6 MUSIKE MWA LAPELA SI LWANISI SA MULIMU

*Kuba ni ta kazo, ku Satani
ni madimona*

Diabulosi a mu isa hape fa lilundu le li lumbile hahulu, a mu bonisa mibuso kamukana ya lifasi, ni kanya ya yona. A li ku yena: “Zeo kamukana ni ka ku fa zona, ha u wa ka mañwele, wa ni kubamela.”
—Mateu 4.8, 9

Mi batu ba ba sa li teñi, ba ba si ka bulawa ka lifanu zeo ze talu, ha ba si ka bakela misebezi ya mazoho a bona, mi ha ba si ka lisela ku lapela badimoma, ni milimu ya gauda, ni ya silivera, ni ya kopa, ni ya macwe, ni ya kota, ye sa koni ku bona, nihaiba ku utwa, kamba ku zamaya.
—Sinulo 9.20

*Mulimu wa Sinya ba lapeli
ba ba Cwalo*

...Sitombo se si maswe, se si butuku hahulu, kiha si imelela ku ba ba na ni nombolo ya sibatana, ba ba kubamela siswaniso sa sona. ...mi ba atulwa, mutu ni mutu, ka likezo za hae. Lifu ni libita za nepelwa mwa lisa la mulilo. Lisa la mulilo ki lifu la bubeli.

—Sinulo 16.2; 20.13, 14

Ki Na Muñ a Bupilo, ki lona Libizo la ka: Ha ni na ku fa yo muñwi kanya ya ka, kamba ku fa maswaniso a’ betilwe ze ni lum-bwa ka zona.
—Isaya 42.8

MANGELOI A KRESTE NI MANGELOI A SATANI 7

***Mangeloi a Mulimu ana ni maata
ku fita Mangeloi a Satani***

Mu lumbeke Muñ a Bupilo mina mangeloi a hae, mina ba ba tiile ka mata, ba ba eza litaelo za hae, ba ba teezeza manzwi a hae.

—Lisamu 103.20

Cwale ndwa ya lwanwa mwa lihalimu. Mikaele ni mangeloi a hae a lwanisa drakoni. Drakoni ya lwanana, i na ni mangeloi a yona. Kono mangeloi a Drakoni h'a si ka tula

—Sinulo 12.7, 8

***Mangeloi a Mulimu a kenile
a beleka ni ku Sileleza
batu ba Mulimu***

Ha ni li, kamukan'a ona ki

mioya ye mwa sebelezo ya Mulimu, ye lumiwanga ku sebeleza ba ba ka yola sanda sa bupilo?

—Maheberu 1.14

Kakuli u ka laela mangeloi a hae, a ku babalele mwa linzila za hao kaufela; a ka ku lwala mwa mazoho a ona, Kuli liutu la hao li si ke la kubwa ki licwe.

—Lisamu 91.11, 12

***Mangeloi a na wile ili ona
madimona a bata Kuisa
batu Kwa Lihele***

Kono Moya u bulela ka ku tiisa kuli mwa linako za kwapili, ba bañwi ba ka zwa mwa tumelo, ba kumalele mioya ye puma, ni lituto za badimona.

—I Timotea 4.1

8 KIMAÑI HAPE KI SIKAMAÑI SATANI SA TOILE

***Mutu, Ya Bupilwe mwa
Sibupeho Sa Mulimu***

Mwana h'a sutelela, moya wa mu wiseza fafasi, mi wa mu omel-eza. Kono Jesu a omanyanya moya o maswe; a folisa mwana, mi a mu kutiseza ku ndat'ahe. —Luka 9.42

Lubasi Mbuyoti Ya Mulimu

“Ni ka fuyola ba ba ku fuyola, ni kute ba ba ku kuta; mi mishobo kamukana ya lifasi i ka fiwa mbu-yoti ka wena.” —Genese 12.3

***Kreste (Mulimu Mwa Nama) Ni
Piliso Mwa Butu Ni Mwa Mali
Cwale Heroda h'a bona kuli u***

pumilwe ki babutali...a luma batu ku y'o bulaya bana kaufela ba ba mwa Betelehema, ni ba sila-lo kaufela sa ona, ba myaha ye mibeli ni ba banyinyani ku bao; a ya ka ku likanya nako y'a n'a buzisize babutali. —Mateu 2.16

Satani ha lwanisa linzwi la Mulimu

“...Kana ki niti kuli Mulimu u ize”: ...Noha ya alaba musali, ya li: “Ku shwa, ha mu na ku shwa.” —Genese 3.1, 4

Ku Pepwa Kwa Balumeli Ka Moya

...Daibulosi, sila sa mina u nz'a zamaya sina tau ye lila ye bata ye i ka ca. —I Pitrosi 5.8

Uli kanyisa Bulapeli

Mi ha ku sa na Anatema (se si kutilwe); se si li mwateñi ki Lubona lwa Mulimu ni lwa Ngunyana; mi batanga ba hae ba ka mu sebeleza; Mi ba ka bona pata ya hae; mi libizo la hae li ka ñolwa fa lipata za bona. —Sinulo 22.3, 4

U Sinya Evangeli Ka bupumi

Ni komokile ha mu fulalezi kapili cwalo yena ya mi bizelize mwa sishemo sa Krete, mi mu ile kwa Evangeli isili. Isi kuli ku na ni Evangeli ye ñwi; kono ku na ni ba bañwi ba ba mi filikanya, mi ba lata ku kelusa Evangeli ya Krete. —Magalata 1.6, 7

***U Li Kanyisa ba belekisi
ba Mulimu***

Batu ba ba cwalo ki baapositola ba buhata, ki ba ba sebeza ka mano a maswe, ba ifetula baapositola ba Krete. Ha ku komokisi, hailifo Satani ni yena u ifetula sibupeho sa lingeloi la liseli.

—II Makorinte 11.13, 14

***U likanyisa Limakazo Za Mulimu
Ka buhata***

(2 Mates. 2.9; Sin. 13.13, 14; 19.20)

Sina Krete hana ni maata ku ba ba mulapela. ni Satani unga maata kwa batu ba ba mulapela kapa ba ba lapela milimu ya hae.

Wena Muñ a Bupilo Mulimu wa luna, malen'a mañwi a lu busize kwand'a hao —Isaya 26.13

Bana ba ka ba banyinyani, mu itibelele kwa milimu ya buhata.

—I Joani 5.21

“U si ke wa ba ni milimu i sili fapil’a ka. U si ke wa ikezeza siswaniso se si betilwe, nihaiba siswaniso sifi kamba sifi sa linto ze kwahalimu mwa lihalimu, nihai-ba sa ze mwatasi mwa lifasi, nihaiba sa ze mwa mezi mwatas’a lifasi. U si ke wa si kubamela, u si ke wa si sebeleza”

—Exoda 20.3-5

*Milimi isili i masila fapili ya muña
Bupilo. Ni Kueza mutu
sitabelo hakulukelwi*

Mu na ni ku y’o sinyeleza mabaka kaufela, mo macaba e mu y’o

hapa, a sebelelize milimu ya ona mwateñi, fa malundu a matelele ni fa malundunyana, ni mwa likota kaufela ze sa tutulehi. U tokomele he, u ka suhana wa swaseha mwa katwa, ka ku likanyisa mikwa ya ona.... U si ke wa eza Muñ a Bupilo Mulimu wa hao cwalo; kakuli ze masila kaufela z’a toile Muñ a Bupilo, ba macaba ao ki zona ze ba ezelize milimu ya bona; mbali ni bana ba bona ba bashi-manini ni ba basizana ba ba ciseza milimu ya bona!

—Deuteronomoma 12.2, 30-31

... Kabakala sibi sa moya wa ka?
—Mika 6.7

Mali a Krete a tapisa Libi.

Bumaswe bwa Kulapela milimu

Bona ba ba fetuzi niti ya Mulimu ku i eza lishano, mi ba kubamezi ni ku sebeleza sibupiwa, bakeñisa Mubupi Ya lumbwa ku ya ku ile. Amen. —Maroma 1.25

Mulimu wa luna u mwa mahalimu, S'a lata kamukana wa si eza. Maswaniso a bona a' lapelwa, ki silivera ni gauda, ki musebezi wa mazoho a batu. A na ni milomo, bo h'a buleli; a na ni meto, bo h'a boni; a na ni lizebe, bo h'a utwi; a na ni lingo, bo h'a lupeleli; a na ni mazoho, bo h'a koni ku swala; a na ni mautu, bo h'a zamayi; ha ku zwi linzwi mwa

mumizo wa ona. Ba ba a eza, ba swana sina ona; ni kamukana ba ba a sepile. —Lisamu 115.3-8

Kulapela milimu Ki Ku Lapela Diabulosi

...Mu sabe kwa sebelezo ya milimu. Batili; kono ni li, ze ba taba bahedeni, ba li tabela badimona, isi Mulimu. Mi ha ni lati kuli mu be ni kopano ni badimona.

—I Makorinte 10.14, 20

Katulo ya Bulapeli bwa milimu

...Ni ba ba lapela milimu, ...siemba sa bona ki ku ya mwa lisa le li tuka la mulilo ni sulufula. Leo ki lifu la bubeli. —Sinulo 21.8

*Kusike kwa fumanwa milimu
mwa-ndu ya hao.*

“Mu na ni ku cisa ka mulilo maswaniso a’ betilwe a bona; u si ke wa kenwa ki takazo ya ku lakaza silivera kamba gauda ye ku ona, u si ke wa ipulukela ona, a ka suhana a ba katwa ku wena; kakuli ki lika ze masila ku Muñ a Bupilo Mulimu wa hao; Mi ha u na ku kenya sika se si masila mwa ndu ya hao, kuli u fetuhe ya kutilwe hamoho ni sika seo”

—Deuteronomo 7.25-26

Ki Ka bakalañi sicaba sa Mulimu hane si kenwi ki madimona mwa nako ya Krete? Bo Kukwabona

ba lapezi madimona!

Ba y’o sebeleza maswaniso a bona, mi zeo za fetuha lilaba ku bona. Ba bulaela badimona bana ba bona ba bashimani ni ba basizana. Buhali bwa Muñ a Bupilo kiha bu tukela sicaba sa hae, Mane a nyikwa ki buswa bwa hae.

—Lisamu 106.36-37, 40

U si ke wa si kubamela, u si ke wa si sebeleza; kakuli Na, Muñ a Bupilo Mulimu wa hao, ni Mulimu ya lifufa, ya nata bana kabakala bumaswe bwa bashemi ba bona, ku isa kwa baikulu ni kwa bana ba baikulu, ku ba ba ni toya.

—Exoda 20.5

**“U si ke wa tuhela muloi a pila.”
—Exoda 22.18**

**“Mu si ke mwa ya ku ba ba pumbula ba ba shwile, niheba kwa balauli, ku y’o bata ku bona likelezo; mu si ke mwa y’o ba bata....”
—Livitike 19.31**

**Ni ka zwise buloi kwa lizoho la hao; mi balauli ha ba sa na ku ba teñi ku wena.
—Mika 5.12**

**“Kakuli, ku ikuhum usa ku likana ni sibi sa ku eza buloi; mi bungulunde bu swana sina sebelezo ya maswaniso ni ya literafimi. Cwale kakuli u hanile taelo ya Muñ a Bupilo, ni Yena u ku hanile kwa bulena.”
—I Samuele 15.23**

“H’a u s’o keni mwa naha y’a ku fa Muñ a Bupilo Mulimu wa

hao, u si ke wa ituta ku eza ze masila za macaba a mwateñi. Ku si ke kwa fumanwa haenu mutu ya fitisa mwan’a hae wa mushimani kamba wa musizana mwa mulilo, nihaiba mulauli ya nz’a laula, kamba sinuhi se si nze si nuha, kamba wa mabibo, kamba muloi; Kamba wa liunduma, nihaiba ya buza balimu ni baloi, kamba ya pumbula mutu ku mu eza silumba, kamba ya buza ba ba shwile. Kakuli batu kaufela ba ba eza litaba zeo ki ba masila ku Muñ a Bupilo; mi kabakala ze masila za ba eza zeo, Muñ a Bupilo wa hao wa ba lundula fapil’a hao.”

—Deuteronoma 18.9-12

Bunuhi: ki kunuha lika ze sataha ka mioya ya batu ba ba shwile ka mabibo.

*Kunuha, ni buloi, ni kuipazaka fa
mibili Mulimu uli toile*

“Mu si ke mwa celela se siñwi ni mali a sona; mu si ke mwa apala liunduma, mi mu si ke mwa laula. Mu si ke mwa paza mibili ya mina kabakala mafu, mi mu si ke mwa paza maswaniso fa mibili ya mina. Ki Na Muñ a Bupilo.”

—Livitike 19.26, 28

“Mi cwale, mina, mu si ke mwa teezeza kwa bapolofita ba mina nihaili linuhi za mina, kamba balauli ba mina, kamba ba mabibo, kamba baloi....” —Jeremia 27.9

“...Ni akufele ku ba paki ye lwanisa baloi ni babuki, ni ba ba itama ka buhata, ni ba ba tima

mubeleki mali a hae, ni ba ba putelela musali wa mbelwa ni lindiala....” —Malaki 3.5

Kakuli milimu ya maswaniso i bulela ze si na tuso, balauli ba bona ba boni za buhata, ba puma ka ku talusa litolo ze ba si ka bona, ba omba-omba ka manzwi a bupumi. Kabakaleo nyangela i ikezi sina lingu, ba nyanda ki ku tokwa mulisana. —Zakaria 10.2

A mu Sepe Mulisana wa Niti

[Jesu wize,] “Pilu ya mina i si ke ya filikana; mu lumele Mulimu, ni na, mu ni lumele.” —Joani 14.1

Bulauli: Kubulela ze sa taha ka nzila ye maswe.

Buloi: buezwa ni mioya ye maswe.

KU BEYA KWA TUKO MIKWA YE MASWE YA BUNUHI 15

Ku belekisa mioya

Ha ba ka li ku mina: “Mu y’o buza ba ba pumbula bafu, ni balauli ba ba shobota, ba ba umbuna, mu alabe mu li: Kikuli sicaba ha si na ku buza Mulimu wa sona?...”

—Isaya 8.19

Kubelekisa lilama za mubili sibupiwa

“Kakuli mulena wa Babilona s’a fitile fa manganandila, fa makauhanelo a linzila ze peli. Cwale s’a kala ku laula, u nyunga masho, u buza literafimi, u tatuba sibiti.”

—Ezekiele 21.21

Kubelekisa Ka milamu

Sicaba sa ka si kupa kelezo kwa siswaniso sa sona sa kota, mi ki

mulamu wa sona o si supeza se si ka taha; kakuli moya wa buhule wa ba kelusa, mi ba izamaela ka buozwa kwahule ni Mulimu wa bona.

—Hosea 4.12

Katulo Ya bulauli

Saule a shwa cwalo kabakala buikanyiso bwa hae, bw’a kile a ikanyiseza Muñ a Bupilo, ni kabakala linzwi la Muñ a Bupilo l’a si ka ya ka lona; ni kuli hape n’a il’o buza ku ba ba pumbula bafu, kuli a ipuzeze litaba ku bona, a sa li buzi ku Muñ a Bupilo....

—I Makolonika 10.13-14

Baboni ba ka komoka, balauli ba ka swaba...kakuli ha ku na kalabo ye zwa ku Mulimu.

—Mika 3.7

LINZILA ZEO MULENA WA LIFASI LE ZA BELEKISA KA ZONA

***Ba macaba balatelela batu baba
bulela ze satusi***

“Muñ a Bupilo s’a bulela ki se,
u li: Mu si ke mwa ituta mikwa ya
macaba; mu si ke mwa sabiswa ki
liponiso ze taha mwa lihalimu, ka
ku bona kuli ba manaha a mañwi
ba li saba.” —Jeremia 10.2

Musike mwa sepa mwa milyani ya
“lithonolo,” kapa kuineela kwa lipina
ze maswe ni maswaniso a maswe.
“Ha ni na ku lumelela nto ye mas-
we ku taha fapil’a ka... (Lisamu
101.3.) Amutuhele kuikuhumusa kapa
buipi ni bulapeli bwa buhata.

**Bumai ki bwa mina... baipi! ...
basizwe busweu, a’ bonahala ku**

ba a mande kwande, kanti mwa-
hali a tezi masapo a batu ni ze
masila kaufela. —Mateu 23.27

Kuipulaya Kuzwa Ku Diabulosi

Musike mwa lumela kuli ku ipulaya
kona ku feza manyando! “U si ke wa
bulaya.” (Exoda 20.13.)

***Konji fela Krete Kiyena
fela ya kona ku milukulula
mwa manyando ao***

(A mu talime fa pampili ya 48 ni 49.)

Muñ a Bupilo ki mata a ka, ki
muñ a pina ya ka; ki Yena Mula-
muleli wa ka; ki Yena Mulimu wa
ka, ni ka mu lumba; ki Mulimu
wa ndate, ni ka mu lumbeka.

—Exoda 15:2

Ka ba polofita ba buhata

Muñ a Bupilo kih'a li ku na:
“Bapolofita ba polofita buhata ka
Libizo la ka. Kanti ha ni si ka ba
luma, nihaiba ku ba laela, kamba
ku bulela ni bona; ba mi polofitela
lipono za buhata, ni bulauli, ni
mabubo, ni bupumi bwa mwa lip-
ilu za bona.” —Jeremia 14.14

“Bo Krete ba buhata ni bapo-
lofiti ba buhata ba ka itahisa, ni
ku eza liponiso ni limakazo za kuli
ba pume ni ba ba bizizwe, kabe ki
nto ye konahala.” —Mareka 13.22

Ka ku bulela ni ba ba Shwile

Ka manzwi a Mulimu, mulena
Davida na bulela ka za mwanahae,
“Cwale h'a tokwahalile...yena

h'a sa na ku kutela ku na.”

—II Samuele 12.23

Musike mwa amboola ni mioya
ye maswe, kono mu ilaele mwa libi-
zo la Krete Kuli izwe. Musike mwa
sepa milyani Kapa Mabibo. “... Kono
ku tula ki kwa Muñ a Bupilo.”
(—Liproverbia 21.31)

***Amusinye Maswaniso, zona
libuka za Satani***

“Ni ba bañata ba ba ne ba eza
mabibo, ba tisa libuka za bona, ba
li cisa fapil'a nyangela; ha ku ba-
lwa mali a teko ya zona, kwa fu-
manwa kuli a likana masheleñi a
silivera a' eza 50,000. Linzwi la Mu-
lena la hula cwalo, la sebeza ka
mata.

—Likezo 19.19, 20 (Mubale Genese 35.2-5.)

18 MULIMU U TOMILE LINYALO, KONO SATANI WA LIFETULA KAPA KULI SINYA

Muñ a Bupilo a bupa musali ka likupo l'a zwise ku Adama, mi a mu tisa ku Adama. Kamukwao-cwalo munna u ka tokolomoha nd-at'ahe ni m'ahe mi u ka kumalela musal'a hae; mi ba ka ba nama i li ñwi fela.

—Genese 2.22, 24

Linyalo li kutekiwe kwa batu kaufela, mi bulobalo bu tokwe masila; kakuli Mulimu u ka atula mahule ni ba ba buka.

—Maheberu 13.4

Kakuli mwa ziba kuli lihule kaufela, ni wa mikwa ye maswe, ni ya lata maluwo, —ili ku sebeleza milimu, —ku bona ha ku na ya ka yola sanda sa mubuso wa Krete wa Mulimu.

—Maefese 5.5

Ku ba ba nyezi, na ba laela, isi na, kono ili Mulena, ni li: Musali a si ke a kauhana ni munn'a hae. Haiba u kauhani, a itulele, a si ke a nyalwa, kamba a kutisane ni munn'a hae. Ni yena munna a si ke a leleka musal'a hae.

—I Makorinte 7.10, 11

(Amubone mwa Maroma 7.2;

Mareka 10.9.)

Ya eza sibi ki wa Diabulosi, kakuli Diabulosi u eza sibi ku zwa kwa makalelo....

—I Joani 3.8

Uinzi ku yo yo teezeza

Kikuli ha mu zibi kuli ha mu ik-eza batanga ba mutu ku mu utwa, mu batanga ba hae yena ye mu utwa....

—Maroma 6.16

KUBUKA NI BUHULE KI KU LWANISANA NI MULIMU 19

“U si ke wa buka.” –Exoda 20.14

Kakuli se si latwa ki Mulimu kikuli mu be ba ba kenile, mi mu ipabalele kwa buhule.

–I Matesalonika 4.3

“Mutu h’a buka ni musali wa yo muñwi, h’a buka ni musali wa mutu, munna ni musali ba ba bukile ba ka bulaiwa.” –Livitike 20.10

Ki Sibi se si Lwanisana ni Mubili wa Hao

...Cwale mubili hasi wa buhule, kono ki wa Mulena, mi Mulena ki wa mubili. Kana ha mu zibi kuli mibili ya mina ki lilama za Kre-ste?...Mu sabe buhule. Sibi sifi ni

sifi s’a eza mutu, si kwand’a mubili wa hae; kono ya pila mwa buhule, u foseza mubili wa hae luli. –I Makorinte 6.13, 15, 18

Bashemi Bana ni ku Isileleza kwa Sibi sa ku Buka

“U si ke wa sinya mwan’a hao wa musizana ka ku mu luta buhule, kuli naha i si ke ya sinywa ki buhule, mi ya tala bumaswe.

–Livitike 19.29

Kubuka: Ki ku kopana ili batu baba beli ba sika nyalana.

Buhule: Ki mutu yanyezi ayo kopana ni mutu ya nyezwi (Kapa ya nyezi).

Kono cwale Krete u zuhile kwa bafu, mi ki yena mitamuno ya ba ba lobezi. Kakuli lifu ha li tahile ka mutu, ni yona zuho ya bafu i tahile ka mutu. Kakuli sina batu kaufela ha ba shwa ka Adama, kamukwaocwalo kaufela ba ka pila hape ka Krete.

—I Makorinte 15.20-22

Cwalehe, bana sina mo ba ngela siemba mwa mali ni nama, kamukwaocwalo ni yena a nga siemba kwateñi, kuli ka lifu la hae, a felise ya sweli mubuso wa lifu mwa mata a hae, yena Diabulosi; mi a liulule batu kamukana ba ba ne ba pila bupilo bwa bona kaufela mwa butanga bwa ku saba lifu.

—Maheberu 2.14, 15

...Mwan'a Mulimu h'a tahile, libaka kikuli a felise misebezi ya Diabulosi.

—I Joani 3.8

U tubulisize malena ni mibuso, u ba swabisize patalaza, u ba tuzi ka sifapano.

—Makolose 2.15

Ku Sashwa Kwa luna Ku Krete

Ki Yena ya lu pilisize, mi a lu bizize ka pizo ye kenile, isi kabakala misebezi ya luna, kono ka mulelo wa hae o tiile, ni ka sishe-mo se lu filwe ka Jesu Krete, pili lifasi li si ka ba teñi kale; Sishemo si bonahalisizwe ha ku tile Mupilisi wa luna Jesu Krete, ya felisize lifu, mi a tahisize mwa liseli bupilo ni ku sa shwa, ka Evangeli.

—II Timotea 1.9, 10

KU KOMA KWA MUKRESTE FAHALIMU A SATANI 21

...Daibulosi, sila sa mina u nz'a zamaya sina tau ye lila ye bata ye i ka ca; mu hane ku yena ka ku tiya mwa tumelo –I Pitrosi 5.8, 9

Mu swale lilwaniso kaufela za Mulimu, kuli mu kone ku tiya kwa lunya lwa Diabulosi, kakuli ndwa ya luna ha i lwani ni mali ni nama, kono i lwana ni milonga, ni mibuso, ni malen'a lifasi le, le li lififi, ni mioya ye lunya ye mwa mabaka a kwa lihalimu. ...kuli mu kone ku tiya mwa lizazi le li maswe...mi mu apale sisilelezo sa fa sifuba, ili Ku Luka; kwa mautu mu apale za ku itukiseza ku isa Evangeli ya kozo; Fahalimw'a zeo kaufela mu

swale tebe ya Tumelo, kuli ka yona mu kone ku tima masho kaufela a' tuka, a ya maswe. Hape mu apale kuwani ya busole, ili ku Piliswa; mi mu swale lilumo la Moya, lona Linzwi la Mulimu. Mu lapele ka Moya ka nako ni nako, ka litapelo kaufela ni ka likupo

–Maefese 6.11-18

Hakulicwalo, mu ipeye kwatas'a Mulimu; mu hanele Diabulosi, mi u ka saba ku mina. –Jakobo 4.7

...Kakuli Yena [Kreste] ya li teñi ku mina, ki yo mutuna ku fita ya li teñi mwa lifasi [Satani].

–I Joani 4.4

Kiñi Satani azwa: Kreste u ku wena!

Ki Yena linzwi la Mulimu

...Mulimu...cwale mwa linako ze, za mafelelezo, u bulezi ni luna ka Mwana yo a beile ku yola sanda sa lika kamukana, yo hape n'a ezize ka yena ze bupilwe kaufela.

—Maheberu 1.1, 2

Batu ba butumuka kabakala tuto ya hae; kakuli n'a luta inge mutu ya na ni mata, isi sina bañoli.

—Mareka 1.22

Kono ku luna, Mulimu ki a li muñwi, yena Ndate, yo linto kamukana li zwa ku Yena, ni luna lu li ku Yena; mi lu na ni Mulena a li muñwi fela, yena Jesu Krete, ye linto kamukana li ezizwe ka yena,

ni luna lu li ka yena.

—I Makorinte 8.6

“Mi u mu file mata a ku atula, kakuli ki yena Mwan'a mutu.”

—Joani 5.27

Yena ya ile kwa lihalimu, ya inzi ku la bulyo la Mulimu; mi mangeloi, ni malena, ni mibuso, li beilwe mwa puso ya hae.

—I Pitrosi 3.22

Kakuli Krete ha n'a shwile mi hape a pila, neli kuli a buse ba ba shwile ni ba ba pila. —Maroma 14.9

Cwale Jesu a sutelela, a ba bulelela, a li: Ni filwe bulena kaufela mwa lihalimu ni mwa lifasi.

—Mateu 28.18

KRESTE WA BULELA NI KU EZA LIKEZO ZENA NI MAATA

23

Kih'a zuha, a kuzisa moya, mi a bulclela liwate, a li: Kuza, u li tu! Mi moya wa yema, mi kwa taha ku omba kokutuna. –Mareka 4.39

Na Folisa ni Maata

“Cwalehe, kuli mu zibe kuli Mwan'a mutu u na ni mata fafasi a ku swalela libi, na ku laela,” (ku bulela Jesu ku ya omelezi luñ-añali,) ni li: “Nanuha, u nge bu-lobalo bwa hao, mi u ikele mwa ndu ya hao.” Yo a nanuha, mi h'a ngile bulobalo bwa hae, a pakisa ku zwa, inz'a bonwa ki batu kaufela; mane kaufela ba butu-muka, mi ba lumba Mulimu....

–Mareka 2.10-12

Kreste na Zusa Madimona

Cwale moya o maswe wa mu bi-tela fafasi ka tata, mi wa zwa ku yena inz'a huwa ka linzwi le litu-na. Kaufela ba komoka, ba buzana ba li: “Se kiñi? Ki tuto ye nca ye na ni mata! U laela mioya mi ya mu utwa!”

–Mareka 1.26, 27

Ku Zusa Bafu ni Maata

Cwale a sutelela kwa lukutu; ba ba lu lwezi ba yema; mi Jesu a li: “Mucaha, na ku bulelela, Zuha! Mufu a zuha, mi a kala ku bulela;” mi Jesu a mu kutiseza ku m'ahe.

–Luka 7.14, 15

24 KRESTE U FA MAATA KWA BALATELELI BA HAE FA HALIMU A MAATA A SATANI

“A mu bone, ni mi file bulena bwa kuli mu hate noha ni ka-banze, ni ze mata kaufela za sila; mi ha ku na se si ka mi zwiseza kozi.”
—Luka 10.19

Jesu a kopanya ba ba lishumi ka ba babeli, mi a ba fa mata ni bule-na fahalimw’a mioya ye maswe, ni mata a ku folisa matuku.
—Luka 9.1

“Kaniti na mi bulelela, ni li: Mutu kaufela ya ka bulelela lilundu leo kuli, Nanuha, u y’o inepela mwa liwate, a sa bilaeli mwa pilu ya hae, kono a lumela kuli s’a bulela si ka eziwa, u ka fiwa cwalo.”
—Mareka 11.23

“Kaniti-niti na mi bulelela, ni li, Ya lumela ku na, ni yena u ka eza misebezi ye ni eza....”
—Joani 14.12

Jesu a li ku yena: “U li, Haiba wa kona! Ku ya lumela, linto kaufela za konahala.”
—Mareka 9.23

Hape mu zibe butuna bo bu sa likanyiswi bwa mata a hae ku luna balumeli, ka ze sebezwa ki mata a hae a’ sa palelwi ki se siñwi.
—Maefese 1.19

Ni kona linto kamukana ka Krete ya ni fa mata.
—Mafilipi 4.13

*Amuzihane ni ku zilaela kuli
lizwe mwa libizo la Jesu*

Kakuli Jesu n'a mu bulelela, a li: "Wena moya o maswe, zwa ku mutu yo." Mi Jesu a mu buza, a li: "Libizo la hao, ki wena mañi?" Yo a alaba, a li: "Libizo la ka, ki na Mpi, kakuli lu ba bañata." ... honafo, mutapi wa matela fa liñope mi wa tulela mwa liwate

—Mareka 5.8, 9, 13

...A kalimela moya o maswe ka tata, a li ku ona: "Moya wa simumu ni wa susu, na ku laela, zwa ku yena, mi u si ke wa kena ku yena hape." Cwale moya wa zwa ka ku huwa ka linzwi le lituna, ni ka ku nyanganyisa mwana ka buhali, mi

mwana a siyala inge ya shwile; mane ba bañata ba li, u shwile. Kono Jesu a swala mwana kwa lizoho, a mu yemisa; mi mwana a kutisa moyo. ... "Mushobo wo ha u konwi ku zwiswa, konji ka tape-lo, ni ku itima lico."

—Mareka 9.25-27, 29

...Paulusi...a bulelela moya, a li: "Na ku laela ka Libizo la Mulena Jesu Krete kuli u zwe ku yena." Mi wa zwa ka nako yona yeo.

—Likezo 16.18

Jesu a mu kalimela, a li: "Kuza, u zwe ku yena." Cwale moya wa mu lapalaza fahal'a batu, mi wa zwa ku yena, u si ka mu tahiseza kozi.

—Luka 4.35

“Mi se mu ka kupa kaufela ka Libizo la ka, ni ka si eza, kuli Ndate a lumbwe ka Mwana.”

—Joani 14.13

Kabakaleo Mulimu u mu pa-

hamisize hahulu ni ku fita, mi u mu file Libizo le li fahalimw’a mabizo kamukana; kuli ka Libizo la Jesu, mañwele kaufela a kubame.... —Mafilipi 2.9, 10

Haseningile ba fumahali baka ni mabasi lwa kutela ka tumelo kwa Africa, kona ku yo belekela Krete, Na Zuha busihu mi na utwa mioya ye maswe fahalimu aka. Mi na nyanganyisa liñwele laka kuli ni utwe kapa sika se ki sa niti, mi ni sona sa nyanganyisa liñwele laka ka maata, mi hape sa ankufa kuto swala ni mulala waka. Mi naba ni nako ya ku huwa manzwi a mabeli “Jesu ni tuse.” Kapili-pili saya, Hani si kaba ni nto ye cwalo hape mwa lilimo ze. Kuna ni maata amatuna ku Jesu fahalimu a Satani ni madimona. Ubize fa libizo la Krete kuli u piliswe. (Maroma 10.13).

Musali yomuñwi a bulelela musalaka ni na kuli hanainzi kwa sikolo sesi

pahami, Munna yo muñwi a munga ni kuzamaya ni yena mwa mukwakwa, fa sibaka se siñwi, munna yo a bata ku mubulaya kuli ku bulelwe kuli u bulailwe ki sitima. Hasa mulaela mwa libizo la Jesu Krete, ha tokwa maata. Ka maat a Jesu musali yo aeza kuli munna yo a zamahe kwa pili anze ba kuta kwa sikolo sa bona.

Musali yo muñwi a bulelela musalaka ni na kuli nga sainzi yo muinyani na banga ni mukiti wa bulauli, kamukwa wo cwalo mioya ye maswe ya shandaula libyana kaufela, mi cwale hali zusa mwa libizo la Jesu, mi hasa mulaho wa kueza cwalo aipeya ka kutala ku Jesu.

Musike mwa utwela makeke ku Satani kapa madimona. Maemo a hae kiku mi zusa mwa nzila ya Mulimu, ni ku mi isa mwa nzila ya hae. Mulkreste yo muñwi ani bulelela kuli na kenwi ki ku pulumuka mwa mubili wa hae, nanza bulela kuli Satani wa mulika, mi na bulela kuli Satani ki mupumi yo mutuna, mi hauswaneli kulumela manzwi a hae. Mi na laela Satani kuli azwe Mi natabela kubona kozo ya Krete kuli inzi kuyena ka lisunda ze keta lizoho a sika shwa kale. *—Watson Goodman (1920-2002)*

Kreste Ki Yena Mulimu Ya Bupa

Kakuli linto kamukana li ezizwe ka yena, ze kwa lihalimu, ni ze mwa lifasi, ze bonwa ni ze sa bonwi, nihaiba mabona a ku busa, kamba ma- lena, kamba milonga, kamba mibuso; kaufela li ezizwe ka yena, mi li ezelizwe yena.

—Makolose 1.16

Kreste ufa liseli ni kozo

“Kuli li bonise ba ba inzi mwa lififi ni mwa muluti wa lifu, mi li zamaise mautu a luna mwa nzila ya kozo.”

—Luka 1.79

Mulen’a kozo, Yena ka sibili, a mi fe kozo kamita ni mwa maneku kaufela.... —II Matesalonika 3.16

Madimona ni Satani ha sinye

“Lisholi li tahanga fela ku uzwa, ku bulaya ni ku sinye”

—Joani 10.10

“...Mu na ni bumai mina ba ba yahile mwa lifasi...kakuli Diabulosi u shetumukezi ku mina a halifile maswe, ka ku ziba kuli nako ya hae ki ye nyinyani.”

—Sinulo 12.12

Satani ufa lififi ni ku nyandiswa

Kanti nzila ya ba ba maswe i swana sina lififi la busihu....

—Liproverbia 4.19

...Ni mufumi a shwa, mi a y’o bulukwa. H’a li mwa lyangalilo, a s’a nyandile maswe, a inula meto....

—Luka 16.22, 23

Kreste ki yena niti

Mi Linzwi a ezwa nama, mi a t'o yaha ku luna a tezi sishemo ni niti; mi lwa buha kanya ya hae, ili kanya ye lukela Mwana wa libanda ya zwa ku Ndate. ...“Ha mu tiiseza mwa linzwi la ka, mu ka ba balutiwa ba ka ba niti; mi mu ka ziba niti, mi niti i ka mi lukulula.”

—Joani 1.14; 8.31, 32

Kreste u tezi lilato

Mo lu zibezi lilato, ki Jesu h'a lu tobohezi moyo wa hae; ni luna lu swanezi ku tobohela banabahabo luna mioyo ya luna. —I Joani 3.16

Luna lwa lata, kakuli Yena u lu latile pili.
—I Joani 4.19

Satani ki ndatahe lishano

“Mina mu zwa ku ndat'a mina, yena Diabulosi, mi mu lata ku eza litakazo za ndat'a mina. Ki mubulai isali kwa makalelo, mi h'a ini mwa niti, kakuli ha ku na niti ku yena; h'a bulela lishano, u bulela s'a li sona luli; kakuli ki lihata mi ki ndat'a-he lishano.”

—Joani 8.44

Satani u tisa Sitoyo

“Lifasi ha li mi toya, mu zibe kuli li toile na, pili.” —Joani 15.18

Mi misebezi ya nama ya zibahala : ... ki sitoyo

—Magalata 5.19, 20

Kreste u Kenisa pilu ya mutu

Kono ha lu zamaya mwa liseli, sina Yena h'a li mwa liseli, lu na ni kopano hamoho; mi mali a Jesu Mwan'a hae a lu tapisa libi kamukana.

—I Joani 1.7

Kreste Wa lukulula Kwa Sibi

Cwale ha lu se lu beilwe ba ba lukile ka mali a hae, lu ka piliswa kwa buhali bwa Mulimu, hahulu ni ku fita, kabakala hae.

—Maroma 5.9

Kreste ufa Bupilo bo busafeli

“Mi bupilo bo bu sa feli, kikuli ba ku zibe, Wena, Mulimu a nosi wa niti, ni y'o lumile, yena Jesu Kreste.”

—Joani 17.3

Satani u Sinya pilu ya Mutu

Mu si ke mwa ipuma, Mulimu h'a somiwi; kakuli s'a cala mutu, ki sona s'a ka kutula. Ya calela nama ya hae, u ka kutuliswa ki nama ku bola....

—Magalata 6.7, 8

Satani u tisa takazo ya kueza sibi kwa batu

Ya eza sibi ki wa Diabulosi, kakuli Diabulosi u eza sibi ku zwa kwa makalelo....

—I Joani 3.8

Satani uisa kwa Lifu le li Safeli

...mufuka ki bana ba ya maswe. Wa sitoyo ya u calile, ki Diabulosi. ...ku kumulwa...mi u ciswa....

—Mateu 13.38-40

Ki yena Mulena wa Lifasi le

“Ha ni sa na ku mi bulelela ze ñata; kakuli mulena wa lifasi le wa ta; mi h’a na se siñwi ku na.”

—Joani 14.30

Satani ki yena Mulena wa Lifasi le Kaufela Za Saezi hande a mu mumunyaze

Butali bo bu cwalo ha bu zwi kwahalimu; kono ki bwa lifasi, bwa butu, bwa balimu. Kakuli fo ku na ni muna ni kañi, ki fo ku inzi mifilifili ni misebezi kaufela ye maswe.

—Jakobo 3.15, 16

Satani hafumana sibaka, wa sinya tu kuluho ya kulapela Krete kai ni kai.

Hakoni Ku sinya pilu ya hao ya lilato ku Krete. Ambuluke tumelo!

Ube Ya Sepahala Kuisa lifu

Ha ba nze ba mu pobaula ka macwe, Setefani a lapela, a li: “Mulena Jesu, amuhela moya wa ka!” Kihona a kubama, a huwa ka linzwi le lituna, a li: “Mulena, u si ke wa ba balela sibi se!” A man’o bulela cwalo, a itobalela.

—Likezo 7.59, 60

Tamaiso ya Krete Mwa Lifasi

U ka hulisa mubuso, ni ku tiisa kozo ye sa feli mwa lubona lwa Davida ni mwa mubuso wa hae; u ka u zamaisa ni ku u tiisa ka likatulo ni ka mulao, cwale, ni ku ya ku ile....

—Isaya 9.7

32 ANTIKRESTE–MUBUSISI WA LIFASI YA TAHA

Mutu wa Sibi ufiwa Maata ku Satani

Ka za ku kuta kwa Mulen’a luna Jesu Krete, niza ku kubukana kwa luna ku yena ... Mutu a si ke a mi puma ka mukwa o muñwi. Kakuli pili, ku swanezi ku taha kwenuho, mi ku bonahale mutu wa sibi, yena mwan’a sinyeho, ili muhanyezi ya ipahamisa fahalimw’a se si na ni libizo kaufela la Mulimu, kamba a se si lapelwa; mane u ka ina mwa Tempele ya Mulimu, a ipulele kuli ki yena Mulimu. Kiha ku ka taha Muikanyisi, ya ka bulaiwa ki Mulena ka moya wa mulomo wa hae, a mu yundise h’a ka iponahalisa,

fa ku taha kwa hae. Yena Muikanyisi u ka taha ka mata a Satani, ka ku kona kaufela, ka limakazo ni liponiso za buhata.

–II Matesalonika 2.1, 3, 4, 8-9

...Drakoni ya t’o si fa mata a yona, ni lubona lwa yona, ni taelo ye tuna. ...Hape sa fiwa mata fahalimu a masika kaufela, ni macaba, ni lipuo, ni mishobo.

–Sinulo 13.2, 7

Mi ba lapela drakoni, kabakala kuli i file sibatana mata a yona; ba lapela ni sibatana, ba li: “Ki mañi ya likana ni sibatana? ki mañi ya kona ku lwana ni sona?”

–Sinulo 13.4

U ka bulela manzwi a ku lwanisa Muambakani-ya-Pahami. U ka ba ni mulelo wa ku fetula linako ni mulao; mi ba ba kenile ba ka fiwa mwa mazoho a hae, ba nge nako ye kuma fa nako i li ñwi, ni linako, ni nako ye pumilwe fahali. Kono katulo i ka ba teñi, mi mulena yo u ka amuhiwa bulena bwa hae; bu feliswe, bu timiswe ku ya ku ile. —Daniele 7.25, 26

...Mi sa fiwa mata a ku sebeza likweli ze 42. Mi sa atamisa mulomo wa sona ku nyefula Mulimu, ku nyefula ni Libizo la hae, ni ba

ba yahile mwa lihalimu. Hape sa fiwa ku lwanisa balumeli ni ku ba tula. Hape sa fiwa mata fahalimu a masika kaufela, ni macaba, ni lipuo, ni mishobo. Mi si ka lapelwa ki ba ba yahile mwa lifasi kamukana, be mabizo a bona h'a si ka ñolwa mwa Buka ya bupilo ya Ngunyana ye tabilwe haisali lifasi li tomwa. Ya na ni lizebe, a utwe.

—Sinulo 13.5-9

Lwana ndwa ye nde ya tumelo, swala bupilo bo bu sa feli bo u bizelizwe, bo n'o ipulezi ka buipulelo bo bunde fapil'a lipaki ze ñata.

—I Timotea 6.12

MUSIKE MWA KUBAMELA SISWANISO SA ANTIKRESTE

*Ba Zamaishi ba bu lapeli bwa
lifasi ba tusa Antikreste Ku eza
buhata mwa lifasi.*

Kulapela Kapa Kushwa!

Sa puma ba ba yahile mwa lifasi, ka limakazo ze si filwe mata a ku li eza fapil'a sibatana; sa bulelela ba ba yahile mwa lifasi kuli, sibatana se ne si tabilwe ka lilumo, mi si pilile, ba si ezeze siswaniso. Sa fiwa mata a ku fa siswaniso sa sibatana moyo, kuli siswaniso sa sibatana si bulele, mi si eze kuli ku bulawe batu kamukana ba ba hana ku kubamela siswaniso sa sibatana. Mi sibatana sa swalwa; mi hamoho ni sona kwa swalwa ni

mupolofita.... Ba babeli bao ba nepelwa, inze ba pila, mwa lisa le li tuka, la mulilo ni sulufula.

—Sinulo 13.14, 15; 19.20

*Batu Ba Mulimu ba
Toile balimu*

Kakuli Mulimu wa luna ye lu sebeleza, u na ni mata a ku lu lamulela kwa liyekuyeku la mulilo o buhali, mi u ka lu lamulela mwa lizoho la hao, shangwe mulena. Mi, hakisicwalo, shangwe mulena, u zibe kuli ha lu na ku sebeleza milimu ya hao, ha lu na ku kubamela siswaniso so gauda s'o tomile.

—Daniele 3.17, 18

Mi sa eza kuli batu kamukana, ba banyinyani ni ba batuna, baluwi ni babotana, ba ba lukuluhile ni bazike, ba amuhele nombolo fa lizoho la bona la bulyo, kamba fa pata ya bona; ni kuli ku tokwahale mutu ya kona ku leka ni ku lekisa, konji ya na ni nombolo, ili libizo la sibatana, kamba palo ya libizo la sona. Ki mo ku inzi butali. Ya na ni kutwisiso a bale palo ya sibatana, kakuli ki palo ya mutu; mi palo ya sona ki 666.

—Sinulo 13.16-18

*Lizazi la taha le li tuna
la balumeli*

“...Boa ki ba ba zwa mwa ñalelwa ye tuna; ba tapisize liapalo za

bona, ba li sweufalize mwa mali a Ngunyana. Kabakaleo, ba inzi fapil’a Lubona Iwa Mulimu, mi ba mu sebeleza musihali ni busihu mwa Tempele ya hae; mi Ya inzi mwa Lubona u ka ba beya mwa mukunda wa hae. Ha ba sa na ku lapa ni ku shwa linyolwa; ha ba sa na ku ciswa ki lizazi ni ki se siñwi; Kakuli Ngunyana ya mwahali a Lubona u ka ba lisa, a ba ise kwa maweluwelu a mezi a bupilo; mi Mulimu u ka takula miyoko kau-fela kwa meto a bona.”

—Sinulo 7.14-17

Ki ko kunde ku kena halimu ni tala ku fita kuya kwa lihele ni-mba ye kusi!

36 KAUFELA BATU BA BA LAPELA ANTIKRESTE, KAPA KU AMUHELA NOMBOLO FA MIBILI YA BONA KULI BA KONE KU LEKA KAPA KU LEKISA BA SINYEHILE

“Lingeloi la bulalu kiha li tata-
ma ona ao, mi ka linzwi le lituna la
li: “Mutu kaufela ya ka kubamela
sibatana ni siswaniso sa sona, mi a
amuhela nombolo ya sona fa pata
kamba fa lizoho la hae, mutu yo u
ka nwa ni yena kwa veine ya
buhali bwa Mulimu, ye selilwe i si
ka zwakwa, mwa sinwiso sa buhali
bwa hae; mi u ka utwiswa butuku
mwa mulilo ni mwa sulufura,
fapil’a mangeloi a kenile, ni fapil’a
Ngunyanya.”

“Mi musu wa manyando a bona
u pahama ku ya ku ile; mi ha ba na

pumulo, musihali ni busihu, bona
ba ba lapela sibatana ni siswaniso
sa sona, niheba ba ba amuhezi
nombolo ya libizo la sona.”

Ki mo ku ka bonahala ku
tiiseza kwa balumeli, bona ba ba
mamela litaelo za Mulimu, ni tu-
melo ya bona ku Jesu. Hape na
utwa linzwi le li zwa kwa lihalimu,
le li li, “Nola: ‘Ba na ni mbuyoti
bafu ba ba shwela ku Mulena, ku
zwa cwale.’” “E,” ku bulela Moya,
“kakuli ba y’o pumula kwa mi-
sebezi ya bona; kakuli misebezi ya
bona ya ba latelela.”

—Sinulo 14.9-13

KU KOMA SATANI NI NOMBOLO YA HAE KAPA 37

SIBUPIWA BUHALI BWA MULIMU BU

SIKA TAHA KALE FA LIFASI

...Ya mangeloi a 7 a' sweli likozi ze 7 za mafelelezo; kakuli ki ka zona ku ka petahala buhali bwa Mulimu. Na bona nto ye swana inge liwate la siiponi, le li kopani ni mulilo. Ba ba ne ba tuzi sibatana ni siswaniso sa sona, ni palo ya libizo la sona, ne ba yemi fa liwate la siiponi, ba sweli liharepa za Mulimu. Mi ba opela pina ya Mushe, mutang'a Mulimu, ni pina ya Ngunyana; ba li: "Mulena Mulimu Ya-Mata-Kaufela, misebezi ya hao ki ye mituna, ya komokisa. Wena Mulimu wa macaba, linzila za hao li lukile, ki za niti." Mi na

utwa linzwi le lituna le li zwa mwa Tempele, le li bulelela mangeloi a 7, li li: "Mu ye, mu y'o sululela mwa lifasi linkwana ze 7 za buhali bwa Mulimu." —Sinulo 15.1-3; 16.1

Makreste bene ba bulailwe ha ba busa

...Mi na bona mioyo ya ba ba ne ba pumilwe litho kabakala bupaki bwa Jesu, ni kabakala Linzwi la Mulimu, ni ba ba si ka kubamela sibatana ni siswaniso sa sona, ba si ka nga nombolo fa lipata za bona ni fa mazoho a bona; mi ba pila ni ku busa ni Krete myaha ye 1,000. —Sinulo 20.4

38 HARMAGEDONI NDWA YONA KRESTE YAKA YEMISA

Diabulosi Hakopanya Macaba ku Lwana

Yeo, ki mioya ya badimona ye eza limakazo, ye ya kwa malen'a lifasi kamukana, ku ba kopanyeza ndwa ya lizazi le lituna la Mulimu Ya-Mata-Kaufela. Mi ya ba kubukanya mwa sibaka se si bizwa Harmagedoni, ka Siheberu.

—Sinulo 16.14, 16

Kreste ha lukulula naha ya hae, ni sicaba sa hae sa Isilaele

“Bona, ni y'o eza Jerusalema sinwiso sa ku tantalikisa macaba kaufela a mwa matuko.... Hape mwa lizazi leo, ni ka eza kuli Jerusalema ibe licwe le li bukiti kwa

macaba kaufela; batu kaufela ba ba li nanula ba ka holofala, mi macaba kaufela a mwa lifasi a ka li kubukanela.” Mi cwale Muñ a Bupilo u ka zwela ku lwanisa macaba ao, mw'a lwanela ka lizazi la ndwa. Ki ye ncwa y'a ka nata ka yona Muñ a Bupilo macaba kaufela a' lwanisize Jerusalema: Linama za mubili ya bona li ka bola inze ba yemi ka mautu; meto a bona a omelele mwa misima ya ona, ni malimi a bona a fele mwa mahanu a bona.

—Zakaria 12.2, 3; 14.3, 12

...Mulimu h'a lu yemela, ki mañi ya ka lu lwanisa?

—Maroma 8.31

KRESTE KI YENA YA KABA MUBUSISI WA MAFELELEZO

39

Kakuli buhali bwa Mulimu bu patuluzwi, bu zwa kwa lihalimu ku lwanisa nyefulo kaufela, ni bumaswe kaufela bwa batu ba ba hatelela niti ka bumaswe.

—Maroma 1.18

Mwa mulomo wa hae ne ku zwa mukwale o buhali, o ka ona u na ni ku nata macaba; mi u ka a lisa ka mulamu wa sipi; ki yena ya ka hatikela mwa silubelo sa veine ya buhali bwa mabifi a Mulimu Ya-Mata-Kaufela. U na ni libizo le li ñozwi fa siapalo ni fa silupi sa hae, ili Mulena wa malena, ni Mubusisi wa babusisi. “...Mi u ka busa ku ya ku ile.” —Sinulo 19.15, 16; 11.5

Antikreste u ka busa myaha yeinyani feela, kono Krete u ka busa myana ye 1,000 hape u ka busa kuya kuile.

...Kono ba ka ba baprisita ba Mulimu ni ba Krete, mi ba ka busa ni yena myaha ye 1,000.

—Sinulo 20.6

“Mi mwa mazazi a malena ao, Mulimu wa mwa lihalimu u ka tahisa mubuso o si na ku sinyeha ku ya ku ile” —Daniele 2.44

Macaba kaufela o’ ezize, a ka kopana fapil’a hao, a ku kubamele Muñ a Bupilo, a lumbeke Libizo la hao. —Lisamu 86.9

40 SATANI WA KOMIWA KWANDWA KA MAATA A MULIMU

Cwale ndwa ya lwanwa mwa lihalimu. Mikaele ni mangeloi a hae a lwanisa drakoni. Drakoni ya lwanwa, i na ni mangeloi a yona. Kono mangeloi a Drakoni h'a si ka tula, mi sisa sa ona ha si si ka bonwa hape kwa lihalumu. Mi drakoni ye tuna, yona noha ya kale, ye bizwa Diabulosi ni Satani, ye pumanga lifasi kamukana, ya nepelwa mwa lifasi, ni mangeloi a yona a nepwa hamoho ni yona. Mi na utwa linzwi le lituna mwa lihalimu, le li li: "Cwale ku bonahala ku piliswa, ni bulena, ni mubuso wa Mulimu wa luna, ni mata a Krete wa hae; kakuli mutami wa banyani ba luna, ya n'a ba tamanga litaba fapil'a

Mulimu wa luna, musihali ni busihu, u kunupilwe." –Sinulo 12.7-10

Lilwaniso za ku koma ndwa

"Ba mu tuzi ka mali a Ngunya, ni ka manzwi a bupaki bwa bona; ha ba si ka lata bupilo bwa bona, ha ba si ka saba lifu."

–Sinulo 12.11

*Ku palelwa kwa Satani
Kwa Kuya Kuile*

...Kono mulilo wa zwa mwa lihalimu, wa ba feza. Mi Diabulosi ya n'a ba shembile a kunupelwa mwa lisa la mulilo ni sulufula, fo ku na ni sibatana ni mupolofita ya buhata; mi ba ka tukufazwa musihali ni busihu, ku ya ku ile.

–Sinulo 20.9-10

Lucifer na Swanela ku teelesa litae-lo kuli a tabele kanya ya lihalimu, kono ha lika kuli a buse mubuse wa Mulimu. (Amubale Isaya 14.13, 14 fa pampili ya bulalu.)

***Mulena Krete U Busa
Kuya Kuile***

Butuna ki bwa hao Muñ a Bupilo, ni mata, ni libubo, ni ku koma, ni bulena. Kakuli linto kamukana ze kwa lihalimu, ni ze mwa lifasi, ki za hao. Mubuso ki wa hao Muñ a Bupilo, kakuli u pahamezi ka bulena lika kaufela.

—I Makolonika 29.11

Kakuli sina batu kaufela ha ba shwa ka Adama, kamukwaocwalo kaufela ba ka pila hape ka Krete.

Kono mutu ni mutu u ka zuha ka nako ya hae: Mitamuno ki Krete; kihona be ili ba Krete ba ka zuha h'a taha; Kiha ku ka taha maungulelo, nako y'a ka beya mubuso mwa mata a Mulimu Ndate, h'a sa felisize bulena kaufela, ni mibuso kaufela, ni mata kaufela. Kakuli u swanezi ku busa ku isa f'a ka be-ela lila za hae kaufela mwatas'a matutu a hae. Sila sa maungulelo s'a ka felisa ki lifu. —I Makorinte 15.22-26

Cwale lingeloi la bu 7 la liza to-lombita. Mi kwa utwahala man-zwi a matuna mwa lihalimu, a buela, a li: “Mubuso wa lifasi u fetuhile mubuso wa Mulen'a luna, ni wa Krete wa hae; mi u ka busa ku ya ku ile.” —Sinulo 11.15

42 SATANI NI MADIMONA, BA LWANISI BA MINA

Satani ki musinyi wa mubili ni kalombe, ni kubulaya bana ba ba Sainzi mwa mba ba ba si ka pepwa kale ni ku kenwa ki Madimona

Ku na ni linto ze 6 ze toilwe ki Muñ a Bupilo... Kimazoho a' sulula mali a' si na mulatu.

—Liproverbia 6.16, 17

“Cwale u y’o nga mioya ye miñ-wi iketa-lizoho ka ye mibeli, ye u fita kwa lunya; ya kena, ya ina mwateñi. Mi litaba za mutu yo za ku fela li ba maswe ku fita za kale....” —Mateu 12.45

Kamukwaocwalo ni bona banna ba tuhezi ku ina ni musali ka mukwa wa sizwalo; ba cisizwe ki ku lakazana; banna ba eza ni

banna ze swabisa maswe, mi ba amuhela mo ku bona mupuzo o lukela ku lateha kwa bona.

—Maroma 1.27

Ha ku komokisi, hailifo Satani ni yena u ifetula sibupeho sa lingeloi la liseli. —II Makorinte 11.14

Mu bataule Mulimu ya pila. Musike mwa buza “balimu basili” kuli muzibe ze sa taha ni ku mifa mi nahano kuli mufole, kapa ku ba ni zamaiso ya mioya ye maswe.

Mu sike mwa ipeya kwa zamaiso ya mioya ye maswe ili yona Yesi moya wa Mulimu. Amulumele Bibeke ni Mulena Jesu Krete. *(Mi u apezzi siapalo se ne si cimbekilwe mwa mali; mi libizo l’a bizwa, ki linzwi la Mulimu. Sinulo 19.13.)*

BA BAÑATA BA KA TAHA MI BAKA PUMA BA BAÑATA

43

Lituto kawfela ze zusa batu kwa nzila ye nyinyani ya swalelo ya libi ni ku keniswa ni ku lukululwa ka mali a Krete ki za buhata.

Jesu a ba alaba, a li: Mu bone kuli mutu a si ke a mi puma. Kakuli ba bañata ba ka taha ka Libizo la ka, inze ba li: “Ki na Krete; mi ba bañata ba ka puma. Bapolofita ba buhata ba bañata ba ka taha, ba pume batu ba bañata.” —Mateu 24. 4, 5, 11

Kakuli ku na ni ba bañwi be ni mi bulelezi za bona hañata, mi ni cwale ni sa ba bulela ka ku lila miyoko, ni li, ki lila za sifapano sa Krete; Ku fela kwa bona ikaba

ku sinyeha; mulimu wa bona ki mba —Mafilipi 3.18, 19

Muswalele mi mu ka swalelwa

“Kakuli ha mu swalela batu lifoso za bona, Ndat’a mina ya kwa lihalimu u ka mi swalela ni mina.”

—Mateu 6.14

*Mali a bu tokwa a Krete
a lukulula*

Mu nze mu ziba kuli hasi ka ze bola, hasi ka silivera ni gauda,... Kono ki ka mali a Krete, a butokwa, a’ swana sina a ngunyana ye si na se si nyazahala kamba litiba; Mina ba ba lumezi ku Mulimu ya mu zusize kwa bafu....

—I Pitrosi 1.18, 19, 21

Ya zamaiswa ki Sibi

Kaufel'a luna se lu fetuhile ba ba na ni masila, mi ku luka kwa luna kaufela ku likana ni likatana ze nyenyisa; mi lwa letuka kaufela sina litali, bumaswe bwa luna bwa lu isa sina moya. —Isaya 64.6

Katulo fa moya wa buikanyisi

Ili ze ne mu ya ka nzila ya zona kale, ka mukwa wa lifasi le, ka mukwa wa mulena muñ a mata a' inzi mwa sibaka sa mbyumbyulu, ili moya o nz'o sebeza mwa bana ba ba ikanyisa. Ni luna kaufela ne lu li ba ku bona pili, lu nze lu ya ka litakazo za nama ya luna, lu eza se si latwa ki nama ni ki

maikuto a luna; mi ka ku pepwa kwa luna ne lu li bana ba buhali sina ba bañwi. —Maefese 2.2, 3

Satani u Zamaisa ba ba si ka Piliswa

Evangeli ya luna haiba i kwahezwi, i kwahelezwi ba ba shwa; Ili ba ba sa lumeli, bao mulimu wa lifasi le u fofalize kutwisiso ya bona, kuli ba si ke ba bonisezwa liseli la Evangeli ya kanya ya Krete ye li siswaniso sa Mulimu. —II Makorinte 4.3, 4

Ku Krete Kuna ni ku Koma

Hakulicwalo, ha ku sa na katulo cwale, nihaiba i liñwi, ku ba ba li ku Jesu Krete. —Maroma 8.1

“Simu ki lifasi; peu ye nde ki bana ba mubuso; mufuka ki bana ba ya maswe.”
—Mateu 13.38

“Mina mu zwa ku ndat’a mina, yena Diabulosi, mi mu lata ku eza litakazo za ndat’a mina....”
—Joani 8.44

***Bakeñisa Adama batu ba
lwanisa Mulimu***

“Ya sa ni lwaneli, wa ni lwanisa; ya sa kubukanyi ni na, wa hasanya.”
—Mateu 12.30

***Kona haluswanela ku pepwa
sinca ka moya wa Krete***

Hakubacwalo, mutu h’a li ku Krete, ki ya bupilwe sinca; za

kale li felile, mi linto kaufela li fetuhile ze nca. —II Makorinte 5.17

Lingu za ka, li utwa linzwi la ka; na li ziba, mi za ni latelela. Ni li fa bupilo bo bu sa feli
—Joani 10.27, 28

A muipe ku Mulena Jesu Cwale

...Bona, nako ye swanela ki ya cwale; bona, lizazi la ku pilisa ki le.
—II Makorinte 6.2

Ha lu ipulela libi za luna, Mulimu ki Ya sepahala, Ya lukile, kuli a lu swalele libi, mi a lu tapise bumaswe kaufela. —I Joani 1.9

Ki mañi ya ka lu kauhanya ni lilato la Krete. Kikuli ikaba buta-ta, kamba ñalelwa, kamba manyando, kamba tala, kamba mapunu, kamba kozi, kamba lilumo?
—Maroma 8.35, 37

Kakuli se si pepilwe ki Mulimu kamukana si tula lifasi; mi tulo ye tuzi lifasi ki tumelo ya luna.

—I Joani 5.4

Mupuzo ku Bao ba ba Tuzi

“Ya na ni lizebe a utwe seo Moya u si bulelela Likeleke: Ya tula, ni ka mu fa kwa manna ye patilwe; ni mu fe ni licwe le lisweu, fo ku ñozwi libizo le linca, le li sa

zibwi ki mutu, konji ya li amuhezi.”
—Sinulo 2.17

“Ya tula, mi a tiiseza mwa misebezi ya ka ku isa kwa mafelelezo, ni ka mu fa bulena fahalimu a macaba.”
—Sinulo 2.26

***U mutu ya butokwa ku Mulimu.
Sifapano sa ku bonisa! Hape
Mulimi u butokwa ku wena!***

Isikuli lu ka kona ku hupula se siñwi lu nosi, inge taba i ka izwela ku luna; kono ku kona kwa luna ku zwa ku Mulimu.

—II Makorinte 3.5

***U bona hale ni Krete
mwa Kanya***

Ha mu zuhile ni Krete, mu bate ze kwahalimu, mw'a inzi Krete ku la bulyo la Mulimu. Mu ise pilu ku za kwa lihalimu, isi ku ze mwa lifasi. Mi Krete ye li bupilo bwa mina, nako y'a ka taha, ni mina mu ka taha ni yena mwa kanya. Kifo, mu bulaye lilama za mina ze mwa lifasi, kikuli buhule ni ze masila, ni maikuto a maswe, ni litakazo ze maswe, ni takazo ya ku fuma ili nto ye swana sina sebelezo ya milimu; Kakuli buhali bwa Mulimu bu taha kabakala zeo.

—Makolose 3.1, 2, 4-6

***Kapa ku yumbiwa ni Satani
kuya kuile***

“Cwale u ka li ku ba ba inzi ku la nzohoto: ‘A mu zwe ku na, mina ba ba kutilwe, mu ye mwa mulilo o sa feli, o lukiselizwe Diabulosi ni mangeloi a hae.’”

—Mateu 25.41

Ba ba maswe ba yelega kwa musima, ona macaba kaufela a' libala Mulimu.

—Lisamu 9.17

“Lizoho la hao ha li ku wiseza mwa sibi, u li pume; kakuli se sinde ku wena kiha u kena mwa bupilo u na ni lizoho li li liñwi, isi ku ba ni mazoho a mabeli ni ku ya mwa lyangalilo, mwa mulilo o sa timi.”

—Mareka 9.43

Uikokobeze

Jesu a biza mwanana, a mu be-
ya fahal'a bona, a li: "Kaniti na
mi bulelela, ni li: Ha mu sa fetuhi,
mwa ba sina banana, ha mu na ku
kena mwa mubuso wa kwa liha-
limu; mi mutu ni mutu ya ka ish-
wa sina mwanana yo, ki yena ya
ka ba yo mutuna mwa mubuso wa
kwa lihalimu." —Mateu 18.2-4

Bakela Libi

Joani a taha mwa lihalaupa mi
a kolobeza; a bulela kolobezo ya
ku baka, yo kuli batu ba swalelwe

libi. Joani h'a s'a kenyizwe mwa
tolongo, Jesu a ya kwa Galilea
inz'a bulela Evangeli ya Mulimu,
a li: "Linako li felile, ni mubuso
wa Mulimu u sutelezi fakaufi. A
mu bake, mi mu lumele Evangeli."

—Mareka 1.4, 14-15

"Ni li ku mina: Batili; kono ha
mu sa baki, mu ka shwa cwalo
kaufela." —Luka 13.3

"Hakulicwalo, a mu bake, mi
mu sikuluhe; kuli libi za mina li
takulwe." —Likezo 3.19

(Amutalime pampili yetatama.)

AMUHELA KRESTE KULI ABE MU PILISI WA HAO

Uipe ka lwahao ku Jesu Kreste

U beye nzila ya hao ku Muñ a
Bupilo. U mu sepe, mu ku ka se-
beza Yena. –Lisamu 37.5

“Kakuli Mulimu u latile lifasi ha-
hulu, mane u li file Mwan’a hae
wa libanda, kuli mutu ufi kamba
ufi ya lumela ku yena a si ke a
shwa, kono a be ni bupilo bo bu sa
feli.” –Joani 3.16

Ba li: “Lumela ku Mulena Jesu
mi u ka piliswa, wena ni ba ndu
ya hao.” –Likezo 16.31

*Mulimu u lufa mata kuli
lube bana ba hae*

Kono bona ba ba mu amuhezi,
u ba file mata a ku fetuha bana ba
Mulimu, bona ba ba lumela libizo
la hae. –Joani 1.12

U bulele Kreste patalaza

...Ha u bulela Mulena Jesu ka
mulomo wa hao, mi u lumela mwa
pilu ya hao kuli Mulimu u mu zu-
size kwa bafu, u ka pila. Kakuli
mutu u lumela ka pilu, kuli a bei-
we ya lukile; mi u paka ka mulo-
mo, kuli a piliswe; Kakuli Liñolo
li li: “Mutu ni mutu ya lumela ku
Yena, h’a na ku swaba.”

–Maroma 10.9-11

Text reprinted from the Bible in Lozi by permission of the United Bible Societies Africa Regional Centre, Nairobi, Kenya.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**



World Missionary Press
PO Box 120
New Paris, IN 46553-0120 USA
www.wmpress.org

4-24

Read booklets online or by App
www.wmp-readonline.org
1445 Lozi VJC-SVC